


明堂大道錄
二



明室大道錄

二

明 堂 大 道 錄

(二)

惠 棟 學

編主五雲王

編初成集書叢

明 堂 大 道 錄
二 冊

中華民國二十六年十二月初版

撰 者

惠

棟

發行人

王 雲 五
長沙南正路

印刷所

商務印書館

發行所

商務印書館
各埠

明堂大道錄卷五

東吳 惠棟 學

明堂建官

大衍之數備三才五行

詳明堂權輿

伏羲演之作八卦神農

灋之立明堂因有七始

詳明堂七始

謂之天地人四時之始

行之謂七政人孖政舉故明堂祭祀有六天建官有六

卿

周禮疏序文耀鉤云伏羲作易名官蓋取大衍三才五行及說卦六天為六卿也

管子五行篇曰咎嗟黃帝得蚩尤而明于天道得大常而
察于地利得鬻龍而辨于東仁得祝融而辨于南仁得大
封而辨于西仁得后土而辨于北仁黃帝得六相而天地

治神明至蚩尤爲當時大常爲廩嘗奢龍爲土師祝融爲
司徒大封爲司馬后土爲李嘗土師也夏嘗司徒也桀
嘗司馬也冬嘗李也

少傳昭十七季鄰子曰我高祖少皞摯之立也鳳鳥適至

故紀于島爲鳥師而鳥名鳳鳥氏

御名

正也

猶唐之廢義和諱

鳥氏

司分嘗也伯趙氏司至嘗也青鳥氏司啟嘗也丹鳥氏司

閉嘗也

分至啟閉猶唐之義和仲叔

祝鳩氏司徒也鵲鳩氏司馬也鴈

鳩氏司空也爽鳩氏司寇也鵲鳩氏司事也五鳩鳩民嘗

也

唐虞時契爲司徒稷爲司馬伯禹爲司空咎繇爲士唐虞雖司事官

五雉爲五工正利器

用正度量夷民嘗也

唐虞時衆作共工益作朕虞之類

九雇爲九農正扈

民穰淫省也

宋仲尼言天子失官學杜四夷蓋明堂之灋廢而歷代之官制亦亡

楚語觀射父曰少皞之衰九黎亂德顓頊受之乃命南正重司天以屬神命火正黎司地以屬民

昭廿九年蔡墨曰五行之官是爲五官木正曰句芒火正

曰祝融金正曰蓐收水正曰

諱廟

冥土正曰后土獻子曰

諱獻

范誰氏之五官也對曰少皞氏有四叔曰重曰該曰脩曰

熒實能金木及水使重爲句芒該爲蓐收脩及熒爲

諱廟

世不失職遂濟窮桑

正義曰此五官皆杜高陽之世案杜氏文八年注云高陽帝顓頊之號

古文尙書虞夏書堯典曰乃命羲咎

鄭氏注云高辛氏之世命重爲南正司天

犁爲火正司地堯育重犁之後羲氏咎氏之子賢嘗掌舊職天地之官亦紀于近命以民事其時官名蓋曰稷司徒

又曰分命羲仲

鄭氏注云官名蓋舊爲秩宗夏爲司馬姝爲士冬爲共工仲叔亦羲咎之子堯既分

陰陽爲四時又命四子爲之官又主仁嶽之事是爲四嶽掌四時審字曰仲叔則掌天地審其曰伯乎又曰

申命羲叔又曰分命咎仲又曰申命咎叔

堯典曰月正元日羣假于文祖

羣至明堂命官也

詢于四嶽闕四

門明四目達四聰咨十有二牧曰會哉惟時柔遠能邇懌

德允元而難壬人蠻夷率服羣曰咨四嶽有能奮庸熙帝

之載

鄭氏注云載行也

使宅百揆亮采惠暉僉曰伯禹作司空帝

曰兪咨禹女平水土惟時懋哉禹拜稽首讓于稷禹皋咎

繇帝曰俞女往哉帝曰弃黎民祖飢

鄭氏注云祖讀爲阻阻厄也

女后

稷播時百穀

鄭氏注云時讀曰詩

帝曰禹百姓不親五品不遜

今文作訓

女作司徒敬尊五教杜寬帝曰咎繇蠻夷猾夏寇賊姦宄

女作士五刑有服五服三就

鄭氏注云三就違野也市翰也甸師氏也

五流有

宅五宅三尻

鄭氏注云宅讀曰咤懲艾之罷五咤者是五種之罷三處省若周之夷服鎮服蕃服惟

明克允帝曰曷若予工僉曰塋哉帝曰俞咨塋女共工塋

拜首讓于父析泉伯與帝曰俞往哉女鰭帝曰曷若予

上下艸木鳥獸禹曰益哉

俗本禹作僉

帝曰俞咨益女作朕虞

鄭氏注云言朕虞重鳥獸艸木案言朕虞所謂盡物之性也

益拜首讓于朱虎鸛

帝曰俞往哉女鰭帝曰咨四岳有能典朕三祀

鄭氏注云天事地事

人事之

僉曰伯夷帝曰兪咨伯女作秩宗

鄭氏注云主

次秩算卑

夜惟寅直哉惟清伯拜詣首讓于夔龍帝曰兪徃欽哉帝

曰夔命女典樂敎胄子

鄭氏注云國子也

直而溫寬而橐剛而繇

虐簡而繇敎詛言志歌永言

鄭氏注云歌所長言詩之意

聲依永律繇

聲

鄭氏注云聲之曲折又依長言聲中律乃爲繇也

八音克諧繇相奪倫神人以

繇

鄭氏注云祖考來假羣后德讓其一偶也

夔曰於予擊石拊石百獸率習

鄭氏

注云百獸服不氏所養者也率習言音繇也

帝曰龍朕望讒說殄行震驚朕師

朕師猶言我民所謂盡人之性也

命女作內言夙夜出內朕命惟允帝曰

咨女二十有二人欽哉惟時亮天功

鄭氏注云十二牧禹坐益朱虎篋翼伯夷

夔龍皆月正元日假于文祖時所敎命也馬融曰稷禹咎繇皆尻官久有成功俱述而美之繇所優敎禹及益已下

皆初命凡六人與上十二牧四嶽凡二十二
人與鄭異也案此爲明堂命官敘政之事

曰誓曰大戰于日乃召六卿王曰饗六事之人予誓告女
有扈氏威侮五行怠弃三正

曲禮曰天子建天官先六大曰大宰大宗大史大祝大士

大卜典司六典

鄭氏注云典灋也此蓋殷時制也周祗大宰爲天官大宗曰宗伯宗伯爲冢官大史

以下屬焉大士以神仕嘗

天子之五官曰司徒司馬司空司士司寇典

司五衆

鄭氏注云衆諸羣臣也此亦殷時制也周則司士屬司馬大宰司徒宗伯司馬司寇司空爲六官

天子之六府曰司土司木司水司艸司器司貨典司六職

鄭氏注云主藏六物之稅嘗此亦殷時制也周則皆屬司徒司土土均也司木山虞也司水川衡也司艸稻人也司

器角人也司貨什人也

天子之六工曰土工金工石工木工獸工艸

工典制六材

鄭氏注云此亦殷時制也周則皆屬司空土

也木工輪輿弓廬匠車梓也獸工函鮑韋裘也唯州工職亡蓋謂作翟革之器

鄭志崇精問隼氏云鄭云三王同六卿殷應六卿此云

五官何也隼氏荅曰殷立天官與五行其取象異余

余攷少畧之紀官而知殷以肖猶循其制也曲禮載殷

之制曰天子建天官先六大次五官次六府次六工六

大

大音

猶五鳥也五官猶五鳩也六工猶五雉也六府

猶九雇也少畧紀官先歷正司分以下屬焉殷時建官

先天官大史以下屬焉五鳥班五鳩之上六大尻五官

之首先天地而後人事也自顓頊以來不能紀遠而以

五行命官謂之五官制少變于肯矣噉猶命南正重司
天以屬神火正黎司地以屬民司天者五鳥之職也司
地者五鳩之職也而使木正火正爲之其兼官之始與
堯之羲味主御名象仲叔主四時初不異于少昊也四時
之官分宅四口謂之四岳位杜稷僕之上堯舜求禪命
官則咨之周官六卿亦分天地四時但冢宰天官辨司
御名之事唯蒿官之屬太史掌之下大夫之職也噉顧命
太史序太宗之上蒿炁傳謂天子之日官尻卿以辰日
古制猶未泯也蓋上古天官斟酌元氣典調陰陽故生
爲上公歿爲貴神是算是奉及夫羲味涵淫而廢時日

程伯失官而爲司馬自是以後周有萇宏魯有梓慎晉
有卜偃鄭有裨竈宋有子韋楚有唐鄴皆有其術而隸
其德不聞加之諸卿之又也漢武卜古置太史公位杜
丞相之上其猶鳳鳥司御名日官尻卿之義乎噉當時謂
文史星御名近乎卜祝之間主上所戲弄倡優畜之苟非
其人道不虛行雖復古何益哉松崖文集

周禮曰惟王建國辨仁正位

辨仁如震東兌兩之類
正位如離爲明望是也

體國

經野設官分職以爲民極乃立天官冢宰使帥其屬而掌
邦治以佐王均邦國地官司徒使帥其屬而掌邦教以佐
王安撫邦國蒿官宗伯使帥其屬而掌邦禮以佐王和邦

國憂官司馬使帥其屬而掌邦政以左王平邦國秣官司

寇使帥其屬而掌邦禁以左王刑邦國

冬官篇上

偽尙書周官雖載六卿而刪天地四時之名又譜鄉老

掌教化之官爲三公

周禮鄉老每二鄉公一人則六卿三公也鄉大夫每鄉卿一人王制

三老五更盧植注云選三公老耆爲三老卿大夫中之老耆爲五更

及大子三孤之官

戴

禮保傳曰少保少傅少師是與太子宴者也

劉之六卿之甫刪天地四時之

名而明堂建官之制上譜三公三孤之官而明堂建官

之灋亂矣

禮記明堂位曰有虞氏官五十夏后氏官百殷二百周三
百鄭氏注云周之六卿其屬各六十則周三百六十官

也此云三百審記時冬官亡矣

冬官亡于晚周故明堂之灋其詳不可得而聞疑孟子

亦未之見也

周官司祿闕故孟子止聞其略

明堂行政

明堂月令順時行政故陰陽蘇季穀豐大平治不順時

令謂之反令

反令二字見蔡氏月令問答

尚書咎繇謨曰改

古文撫

于五辰廣續其凝

鴻範曰三曰農用八政又曰八政一曰食二曰貨三曰祀

四曰司空五曰司徒六曰司寇七曰賓八曰師

大戴禮少閒篇曰成湯作八政命于總章

殷尙白故命于明堂

明堂月令曰孟嘗命相布德和令

續漢書禮儀志立嘗之日下寬大詔曰制詔三

公方嘗東作敬始慎微動作從之臯非殊死且勿案驗以顓立殊注月令曰命相布德和令蔡邕曰卽此詔之謂也

行慶故惠下及兆民慶賜遂行母有不當 仲嘗安萌芽

蒼幼老孺諧孤擇元日命民社命有司省囹圄去桎梏母

隸掠止獄訟 季嘗天子布德行惠命有司發倉廩賜貧

窮振乏絕開府庫出幣帛周天下勉諸侯聘名士禮賢者

孟憂令民毋艾藍以染毋燒灰毋暴布門閭毋閉關市

毋索挺重囚益其食游牝別羣則絜騰駒班馬政 季憂

命漁師伐蛟取鼉登龜取鼃命澤人內材葦是月也樹木

方盛乃命虞人入山行木毋有斬伐不可以興土功不可